

TARIKH	10 / 9 / 2012	SEKSYEN	Nasional
MUKA SURAT	15	RUANGAN	Sentral

## Bakal haji usah terbabit demonstrasi

**Ayer Keroh:** Bakal jemaah haji di negeri ini disaran mengelak daripada terbabit dengan sebarang aktiviti negatif seperti demonstrasi sepanjang menunaikan ibadah berkenaan di Arab Saudi.

### Harus fokus

Ketua Menteri, Datuk Seri Mohd Ali Rustam, berkata mereka sebaliknya harus memfokuskan kepada tujuan sebenar ke sana.

“Jika ada rakyat negara lain yang hendak buat demonstrasi, biarkanlah mereka. Janganlah pula kita

terikut-ikut dengan sikap negatif mereka.

“Kita juga berharap semua bakal haji dapat menjaga disiplin sepanjang menjalani ibadah di sana. Pastikan nama baik Melaka dan Malaysia terus terpelihara,” katanya.

Beliau ditemui selepas merasmikan Kursus Perdana Haji 1433H/2012M peringkat negeri anjuran Tabung Haji (TH) di Masjid Al-Alami Pusat Dagangan Antarabangsa Melaka (MITC), di sini, baru-baru ini.

Program dua hari itu antara lain

bertujuan memberi bimbingan kepada kira-kira 800 bakal jemaah haji dari negeri ini dalam pelaksanaan ibadah haji seperti tawaf, sa'i dan melontar jamrah.

Hadir sama, Pengerusi Jawatankuasa Hal Ehwal Agama negeri, Datuk Yaakub Md Amin; Ahli Lemba TH, Ghazali Awang dan Pengarah TH Melaka, Mohamad Khairi Dasemin.

Mohd Ali berkata, bilangan bakal haji dari negeri ini tahun ini adalah seramai 893 berbanding 1,300 pada tahun lalu.